



## **Universitätsbibliothek Paderborn**

### **Antidota Evangelica Contra Horvm Temporvm Hæreses**

In Qvibvs Quatuor Euangeliorum illi textus explicantur, quibus vel hæretici  
hodie (maximè Caluinus & Beza) ad sua dogmata propugnanda vti solent,  
vel ad hæreticorum dogmata impugnanda Catholici vti possunt

**Stapleton, Thomas**

**Lvgdvni, 1595**

Ca. 13.

**urn:nbn:de:hbz:466:1-39463**

omnibus gratias agite. Hec est enim voluntas Dei in Christo Heb. 10.  
Iesu in omnibus vobis. Patientia vobis necessaria est, ut fa- Heb. 1.  
cientes voluntatem Dei, reportetis promissionem. Deus pacis  
aperte vos in omni bono, ut faciat eum voluntatem, ut iam  
non desiderij hominum, sed voluntati Dei quod reliquum est <sup>1. Pet. 4.</sup>  
vivat temporis. Denique illud Ioannis. Mundus transit, & <sup>1. Ioan. 2.</sup>  
concupiscentia eius. Qui autem facit voluntatem Dei, manet  
in aeternum. Quis dubitare potest quin his omnibus in lo-  
cis facere voluntatem Dei, nihil aliud significet quam facere  
Dei mandata, & bonis operibus operam dare? Quod si fa-  
cere voluntatem carnis, necessarium in Scripturis significet fa-  
cere ea quæ caro suggerit, expetit, & iubet, ut apud Pau- Ephes. 2.  
lum, quin de maxime impiis loquitur, Conuersati sumus in  
desiderijs carnis nostra, facientes voluntatem carnis & cogi-  
tationum: cui dubiam esse potest, quin facere voluntatem  
Dei Patris sit ea facere quæ Dei Spiritus suggerit, quæ Deo  
placita sunt, ac deum quæ Deus in sua lege fieri mandat  
ac iubet? Sed voluntatem Dei facere, nunquam in Scriptu-  
ris Calvinus placuit, ut aliis adhuc in locis Euangelicis  
videbimus.

## IN MATTHÆI CAP. XIII.

II. Vobis datum est nosse mysteria regni cælorum:  
illis datum non est.

**A**d hæc & sequentia Euangelistæ verba, sparsit  
impius Calvinus infernalis sua doctrinæ semi-  
na, de Deo peccati & exercitatis reproborum au-  
thore atque impulsore actiua. Affirmat in di-  
uersos fines hominibus à Deo proponi salutis doctrinam, & ad-  
mirabili Dei consilio sic temperari, ut non minus odor sit mor-  
tu in morrem reprobis, quam electis odor viuficus. Hæc ille.  
Vult vitrumque finem ab ipso Deo proponi, & viriusque  
effectus tam excæcationis reproborum quam illuminatio-  
nis credentium Deum authorem esse. Hanc ob causam affir-  
mat Christum hic data opera obscurius locutum esse, ut mul-  
tis enigmaticus esset sermo. Addit postea ut totum suum ve-  
nenum effundat, Deum duobus modis priuare homines do-  
ctrina & sue luce: interdum enigmaticè loquendo, interdum vero  
etiam si aperte loquatur, & absque figuris mentem suam pa- F 2  
lam explicet, hebetando tamen illorum sensus & stupore per-  
Deus non  
excusat  
reprobos  
actione  
propria.

cutiendo, ut in plena luce cæciant. Hæc ille, vt probet non secus esse opus Dei excæcationem impiorum quām illuminationem piorum. Idem ex hoc loco & aliis Scripturis docet Institut. lib. 3. cap. 24. num. 13. Sed ex sacra Euangelijs historia non debuit Caluinus tale luxisse venenum. Textus ipse manifestè ostendit excæcationis reproborum causam non in Deo, sed in ipsis reprobis esse. Ideo in parabolis loquor illi, (ait Christus) ideo sermone obscuro & ænigmatico vto, quia vi tentes non vident, id est, quia quum possint videre, noluunt videre. Sic enim postea dicit, Oculos suos clauserunt, id est, ex propria malitia aduertere noluerunt. Non igitur idcirco Christus in parabolis apud incredulos Iudeos loquitur, qui data opera voluit eos excacare & stupore percutere, ut impiorum Caluinus ait, sed quia illi improbi & malitiosi erant, qui ne apertissimè dicta intelligere vellent. Denique facetur Caluinus, Matthæum in his verbis auditoribus tribuere, ut cæcitati sua & duritiei culpam sustineant: quia quotquot in sensu reprobum coniekti sunt, sponte & intrinseca malitia se excitant & obdurant. Et rursus. In ipsis excætatis residet culpa, quia spontanea est excæatio. Hæc ille, vbi ex parte auditorum in culpam residere quum agnoscat, ea sola cæcitatis causa contentus esse debuit, & non in Deo aliam causam ponens, quod hic Euangelium non docet. Nam eam ipsam ob causam D. Matthæus Esaiæ verba quæ citat, non iuxta literam hebraicam profert, vbi sic legitur, Excæca cor populi huius, & aures eius agraua, & oculos eius clade, quæ litera qual iussionem & voluntatem Dei actiuam ponit circa illius populi excæcationem; sed iuxta versionem 70. profert: qui sc illa verba vterunt ut sit prædictio prophetica, non iussio diuina, quia reuera in talibus sermonibus Deus non iubet absoluta voluntate quod fieri vult, vel quod facturus est ipse, sed prædicit scientia sua infinita quod futurum est; & quod iusto iudicio suo fieri, subtrahendo quidem gratiam & negando lucem, sed non operando cæcitatem, aut stupore percutiendo mentes hominum, aut denique ob hunc finem proponendo doctrinam salutis quibusdam ut ea excæcentur quæ omnia impius Caluinus hoc loco docet ut semina iacant terribilæ suæ doctrinæ, quod Deus est author peccati, non solum permitiens illud subtrahendo gratiam, sed etiam operans illud actiuè concurrendo, & voluntatem humanam ad malum impellendo.

Abutitur præterea hoc loco aliis Scripturis ad hanc suam impietam

Impietatem confirmandam. Esa. cap. 28. vbi denuntiat Deus se Barbarum fore populo qui peregrina & incognita lingua loquetur. & Esa 29. visiones propheticas doctis fore librum clausum & obsignatum in quo legere nequeant: vbi autem aperitus fuerit liber, omnes fore idiotas, qui attoniti habebunt, ne scientes legere. Hæc ille. Sed prior locus quid velit, Paulus 1. Cor. 14:6 eadem verba citans satis nos docuit: nempe prophetiam esse futuram Iudæorum incredulitatis, eo ipso tempore quo ex admirabili dono linguarum nouis Apostolis & Dei legatis impetrato, variis linguis loquentur illi; de qua incredulitate ait Esaias: Et noluerunt audire: manifestè docens improbam eorum volutatem liberam, non solum spontaneam ut Caluinus loquitur, huius incredulitatis causam fuisse. Posterior quoque locus non aliud est, quam similis & eadem prophetia futuræ incredulitatis Iudæorum. Docet enim Propheta veteres prophetias fore Iudæis clausas, ut Christum in illis non videant nec intelligant, idque propter veniam propriæ & voluntariæ incredulitatis, ut Apostolus docet. Cùm autem conuersus fuerit ad Deum, auferetur velamen. Quæ sanè conuersio ut ex diuina gratia proficiat, ita quoque ex libera hominis voluntate semetipsum ad Deum conuenientis vitum habet, non secus dicente Scriptura, Con- Zachari. 1:8 uertimini ad me, & ego conuertar ad vos, quam, Conuerte nos Thren. 5:6 ad te Domine, & conuertemur. Summa ergo est, hominum propriam malitiam & incredulitatem in causa esse, non solum propinquæ & proxima, sed plane unica, si de causa proprie dicta loquamur, cur Dei mysteria à multis non capiantur. Quod in Prompt. Cath. circa hæc ipsa verba latius dissipatum vide. Hanc causam in fine huius capituli apertissime posuit Matthæus dicens, Christum in patria sua non fecisse multas virtutes propter incredulitatem illorum. Quæ verba manifestè docent, Deum circa incredulos paratum esse suas partes agere, & propter hominum petulaciam suam gratiam iuste subtrahere, non ex sola sua voluntate hominum mentes stupore percutere, ut supra Caluinus docuit. Nunc enim suorum mendaciorum immemor hoc loco ita scribit, hæc verba tractans. Sanè ita res se habet. Dominus vbi videt virtutem suam à nobis non recipi, tandem eam subducit: & tamen interea conquerimur eitis opem nobis deesse, quam nostra incredulitas procul arcet ac repellit. Vide plura in Marc. cap. 6.

Dominic  
Sexagesimo